

四庫全書

子部

欽定四庫全書

子部

玉海卷一百五十

詳校官中書臣張經田

主事臣祁韻士覆勘

總校官進士臣朱鈴

校對官編修臣沈清藻

謄錄監生臣黃鵠鵠

欽定四庫全書

玉海卷一百五十

宋 王應麟 撰

兵制

弓矢 弩

漢天文志觜觿下一星曰天矢天狼下有四星曰天

弧直狼北

隋志弧九星在狼東南天
弓也 据雄賦天弧發射

黃帝弓

弧矢

神農弧矢

烏號弓

綦衛

箭 箭子弩

易繫辭黃帝堯舜弦木為弧剡木為矢弧矢之利以威

天下

一書云神農弦木為弧剡木為矢弧矢之利以威四方禮記疏弓矢起於黃帝射侯見於堯舜

世本揮作弓夷牟作矢注黃帝臣 吳越春秋范蠡

進善射者陳音越王問射所起音曰黃帝作弓以備四

方後有楚狐父以其道傳羿羿傳蓬蒙蒙傳楚琴氏琴

氏傳大魏大魏傳楚三侯麋侯翼侯魏侯也 漢郊祀

志公孫卿曰黃帝采首山銅鑄鼎於荆山下既成有龍

垂胡顙下迎黃帝上騎羣臣後宮從上龍七十餘人龍
迺上去餘小臣不得上乃悉持龍顙龍顙拔墮墮黃帝
之弓百姓仰望黃帝既上天乃抱其弓與龍顙號後世

因名其處曰鼎湖其弓曰烏號

相如傳注張揖云黃帝
鑄鼎於荆山鼎湖得道

而仙乘龍上天其臣援弓
射龍不能於是抱弓而號

列子逢蒙弟子曰鴻超引

烏號之弓綦衛之箭淮南子射者扞烏號之弓彎綦

衛之箭注綦美箭所出地名也衛利也烏號楚有柘桑
其材堅勁烏跡其上及其將飛枝小撓下勁能復起巢

鳥隨之烏不敢飛號呼其上伐其枝以為弓因曰烏號

之弓也

漢司馬相如賦左烏號之雕弓應劭注同
發亦云家語楚王立烏號之弓王褒頌達

門子讐
鳥號

又曰烏號之弓黠子之弩注黠子為弩所出國

名或曰黠子蠻夷也以柘桑為弩或曰黠子揚鄭國善

為弩匠

蘇秦說韓曰黠子巨秦射六百步之外許慎曰南方黠子蠻夷柘弩

說文弩帝讐軼臣

弓正見古官名類

書允之戈和之弓垂之

竹矢在東房注兌和古巧人垂舜共工疏竹矢蓋舜時

之物荀子僂作弓浮游作矢

孫卿子同

注垂舜之共工弓

矢舜前已有之倕改制精巧故言作呂氏春秋夷羿

作弓

墨子羿
作弓

山海經少皞生般始為弓矢

古史考

黃帝作弩

說文弩弓
有臂者

吳越春秋陳音曰弩生於弓弓

生於彈

夏繁弱 周繁弱 魯大弓

左傳定四年衛子魚曰成王分魯公以夏后氏之璜封父之繁弱注封父古諸侯也繁弱大弓名

明堂位封父
庖天子之器

也注封父國名 定八年盜竊寶玉大弓九年夏四月封寶玉

大弓注寶玉夏后氏之璜大弓封父之繁弱弓王國之

分器得之足以為榮失之足以為辱

公羊注言大者力千斤

漢

書司馬相如子虛賦左烏號之雕弓右夏服之勁箭

七發

亦有此二句注服虔曰一云伏儼服咸箭器也夏后氏之良弓名

繁弱其矢亦良即繁弱箭服故曰夏服上林賦彎箙

弱湍白羽注文穎曰蕃弱夏后氏良弓之名荀子繁

弱鉅黍古之良弓也新序公孫龍子楚王張繁

弱之弓載忘歸之矢商書若虞機張注機弩牙

也

夏箇砮楳

禹貢荊州厥貢碣碯砮丹惟箇砮楳注謂砮石名可為矢鏃楳木名可為弩疏魯語曰肅慎氏貢楳矢石砮

國記曰其地在夫餘國北東濱大海魏畧曰挹婁一名肅慎記文曰楳木也今遼左有狀如荆葉如榆楳矢

石若自禹以來貢之顏師古曰楳木為筭今幽以北皆用之

商彤弓

漢書韋孟詩肅肅我祖國自疚彤弓斯征撫寧遐荒

總齊羣邦以翼大商 山海經少皞生般始為弓矢帝
俊賜羿形弓素矰以扶下國

增失名外傳
白羽之矰

尚書大傅

三適謂之有功賜以車服弓矢

周武王戎弓

殷梁傳定八年冬大弓者武王之戎弓也注武王征伐

之弓

寶玉者封圭也始封之
圭周公受賜藏之魯

大戴禮武王弓銘曰屈

伸之義廢興之行無忘自過 左傳楚子曰武王克商

作頌曰載橐弓矢

周六弓 四弩 八矢

夏官司弓矢

下大夫二人 中士八人

掌六弓四弩八矢之法

注法曲直

長短之數辨其名物而掌其守藏與其出入中春獻弓弩成於仲秋獻矢箙

堅於成於及其頒之王弓弧弓以授射甲革

椹質者夾弓庾弓以授射獮侯鳥獸者唐弓大弓以授學射者使者勞者其矢箙皆從其弓凡弩夾庾利攻守

唐大利車戰野戰

注弩無王弧王弧恒服弦有王弧弩有夾庾等四種

弓六等易氏曰

射人士以二耦射獮侯是士與大夫用同夾庾也凡矢枉矢絜矢利火射用諸

守城車戰殺矢鏃矢用諸近射田獵矰矢茀矢用諸弋

射恒矢庳矢用諸散射

八失弓弩各有四在上者屬弓在下者屬弩

天子之

弓合九而成規諸侯合七而成規大夫合五而成規士

合三而成規句者謂之弊弓

規圓之至也觀成規多少知弓強弱疏天子之弓

王弧諸侯之弓唐大大夫之弓夾庾士之弓則六弓之外句曲句弓也

凡祭祀共射牲之

弓矢澤共射楛質之弓矢大射燕射共弓矢如數并夾

矢箭

注箇盛矢器也以獸皮為之王弧夾庾唐大六者

弓異體之名射甲與楛試弓習武也駢侯五十步及射

鳥獸皆近射也近射用弱弓則射大侯者用王弧射參
侯者用唐大矣攻城壘者與其自守者相迫近弱弩發
疾也車戰野戰進退非強則不及弩無王弧王弧恒服
弦往體少者使矢不疾八矢者弓弩各有四焉枉殺矰
恒弓所用也絜鋸第庫弩所用也枉矢取名變星飛行
有光或謂之兵矢絜矢象焉二者皆可結火以射敵殺
矢言中則死鋸矢象焉鋸侯也行革四鋸既鈞四鋸如
樹注鋸矢參亭射禮措

三狀一

二者皆可以司侯射結繳于矢謂之矰第矢象焉

二者皆可以弋飛鳥刺羅之也恒矢安居之矢也庫矢象焉二者皆可以散射謂禮射及習射也正義勞者勤勞王事晉文侯文公賜之彤弓旅弓是也四矢配四弩於義為可四矢配六弓其數參差故隨事相當而用之

繕人上士二人下士四人掌王之用弓弩矢箙矰弋決拾掌詔

王射賛王弓矢之事

六弓之體雖係乎分六弓之用實閼乎力

橐人中士四人

弓六物為三等弩四物亦如之矢八物皆三等箙亦如之春獻素秋獻成書其等以饗工入功于司弓矢及繕

人注三等者上中下人各有所宜弓人職曰弓長六尺
六寸謂之上制上士服之弓長六尺三寸謂之中制中
士服之弓長六尺謂之下制下士服之弩及矢箙長短
之制未聞 國師射則充櫑質 冬官弓人為弓取六
材必以其時六材既聚巧者和之幹也者以為遠也角
也者以為疾也筋也者以為深也膠也者以為和也絲
也者以為固也漆也者以為受霜露也凡取幹之道七
柘為上櫟槧桑橘木瓜荆次之竹為下弓之六材以幹為質幹之七等

以堅為體故取幹以枯為上弓以角幹筋為主三者皆善則為上二善為次一善為下相幹欲赤

黑而陽聲凡析幹射遠者用執射深者用直角欲青白而豐末膠欲朱色而昔筋欲小簡而長大結而澤漆欲測絲欲沈凡為弓冬析幹而春液角夏治筋秋合三材寒奠體冰析濶春被弦角三液而幹再液往體多來體寡謂之夾臾臾音庚之屬利射侯與弋往體寡來體多謂之王弓之屬利射革與質往體來體若一謂之唐弓之屬利射深覆之而角至謂之句弓注句不用之弓司弓矢句者謂之弊弓

注句者惡則

覆之而幹至謂之侯弓

注射侯之弓

所謂夾庾利射侯與

所

直者善矣

弋覆之而筋至謂之深弓

注射深之弓

所謂唐弓之

弓則

亦三善而射深

屬利射深不及王弧之弓則

為殺當

為弟當

亦三善而射深

矢人為矢鏃矢參分茀矢參分

茀當

一在前

二在後

爾雅金鏃剪羽謂之鏃

兵矢田矢五分二在前三在後

兵矢

謂枉矢絜矢也此二矢亦可以田田矢謂矰矢

殺矢七分三在前四在後殺為弟當

參分其長而殺其一五分其長而羽其一以其筈厚

筈當

為之羽深水之以辨其陰陽夾其陰陽以設其比

比農

云比謂夾其比以設其羽參分其羽以設其刃則雖有括也

疾風亦弗之能憚矣凡相竒欲生而搏同搏欲重同重

節欲疏同疏欲稟

竒謂箭棗
胡之竒此材之美者也

冶氏

為殺矢刃長寸圍寸鋌十之

矢人同或以
此為行文

注殺矢用諸

田獵 秋官庭氏以太陰之弓與枉矢射之 春官大

司樂詔諸侯以弓矢舞注舞謂執弓挾矢揖讓進退之

儀 樂師燕射帥射夫以弓矢舞

養老即是禮射而用
鍛矢者此與賓客私

宴不與
常射同

九和弓

考工記弓人為弓取六材必以其時

注取幹以冬角以秋絲漆以夏筋膠

未聞六材既聚巧者和之材美工巧為之時謂之參均角

不勝幹幹不勝筋謂之參均量其力有三均

有三讀為又參均

者三謂之九和九和之弓角與幹權筋三侔膠三錚絲

三邸漆三蚪上工以有餘下工以不足為天子之弓合

九而成規云云大和無濶

大和尤良者也和弓轂摩和猶調也易氏曰

九和以角幹筋為主九者和矣而絲膠漆為之輔大和者九和之弓也其體調適何待於濶

周形弓 形弧 盧弓

詩形弓天子錫有功諸侯也

三章章
六句

注朱弓也以講德

習射王賜朱弓必策其功以命之箋云諸侯敵王所愾

而獻其功王享禮之於是賜彤弓一彤矢百旅弓矢千

凡諸侯賜弓矢然後專征伐

見左傳甯武子辭及禮記王制

正義周禮

無形弓之名言講德習射則彤弓當唐弓大弓也唐大

是體強弱之名形盧是色赤黑之異周尚赤故賜弓赤

一黑十以赤為重服虔曰旅弓當周禮之王弧以射革質非也書文侯之命平王錫晉文侯彤弓一彤矢百

盧弓一盧矢百注形赤盧黑也諸侯有大功賜弓矢然

後專征伐形弓以講德習射藏示子孫正義禮司弓矢

唐弓大弓以授勞者注謂勤勞王事若晉文侯文公受

王弓矢之賜

周東遷之後形弓之賜
惟及晉文侯文公二人

左傳僖二十八

年五月己酉王享晉侯

文

賜大輶之服戎輶之服形弓

一赤弓形矢百旅弓矢干

黑弓弓
十矢干

襄八年季武子賦形

弓范宣子曰先君文公受形弓干襄王以為子孫藏

昭十五年王曰襄之二路鍼鉞秬鬯形弓虎贲文公受

之以有南陽之田

公羊何休注禮天子彤弓諸侯形弓
大夫嬰弓士盧弓荀子天子雕弓

諸侯彤弓大夫黑弓禮也行葦彤弓既
堅四鍛既鈞舍矢既均疏云彤是畫飾

管子輕重

丁篇令天下諸侯朝先王之廟觀於周室者不以彤弓

石璧者不得入朝史記齊世家桓公三十五年夏會

諸侯于葵丘周襄王使宰孔賜文武胙彤弓矢大路下

拜受賜漢班固傳典引曰鋪觀二代並開迹於一簣

乘其命賜彤弧黃戚之威用討韋顧黎崇之不恪注二

代殷周也周禮九命作伯彤弧赤弓黃戚黃金飾斧也

博物志徐偃王得朱弓赤矢之瑞

周楷矢

國語

史記漢五行志

魯哀公時有隼集于陳庭楷矢貫之石砮

其長尺有咫

八寸

陳惠公

史記陳潛公漢志作閔

使人問仲尼仲尼

曰隼之來遠矣昔武王克商通道九夷八蠻使各以方

賄來貢使無忘職業肅慎

東北夷

貢楷矢石砮

若鏹也以石為之

其長尺有咫先王欲昭其令德之致遠也以示後人使永監焉故銘其括曰肅慎氏之貢矢以分大姬配虞胡

公而封諸陳古者分同姓以珍玉展親也

韋昭曰玉謂若夏后氏之

璜分異姓以遠方職貢使無忘服也故分陳以肅慎氏

之貢若求之故府其可得也

韋昭曰肅慎東北夷 又周禮太宰物貢注肅慎氏

貢楷矢之屬使求得之金積如之 魏志挹婁弓長四尺力

如弩矢用楷長尺八寸青石為鏃青龍四年五月丁巳

獻楷矢

晉書肅慎氏一名挹婁有山出石其利入鐵周武王時獻楷矢石砮

景元三年四

月遼東言肅慎遣使重譯入貢獻其國弓三十張長三

尺五寸楷矢長一尺八寸石砮三百枚 晉書魏景元

二年四月肅慎來獻楛矢石砮天子命歸於大將軍府
元帝太興二年八月又獻書成王既伐東夷肅慎來

賀王俾榮伯作賄肅慎之命

東北遠夷也

魯越棘大弓 金僕姑

明堂位崇鼎貫鼎大璜封父龜天子之器也越棘大弓
天子之戎器也凡四代之服器官魯兼用之是故魯王
禮也注越國名棘戟也春秋傳子都拔棘 天官天府
掌祖廟之守藏注始祖后稷之廟其寶物世傳守之若

魯寶玉大弓 魯頌泮水角弓其觨束矢其搜

五十矢為束禮

大司寇束矢注古者一弓百矢

二矛重弓

左傳莊十一年乘丘之役

以金僕姑射南宮長萬

注矢名

十年夏六月公子偃自

雩門蒙皋比而先犯之公從之敗宋師乘丘 說苑齊

攻魯子貢見哀公請求救于吳於是以上楊幹麻筋之弓

六往 公羊傳定八年弓繡質

質相也

左傳定八年

顏高之弓六鈞注百八十斤

唐李庾西都賦
束六鈞貫七札

晉語

乾時之戰申孫之矢集于桓鉤

申株矢名

詩秦小戎

交轂二弓

楚辭帶長劒挾秦弓

戰國策

史記 同

天下之強弓勁弩皆自韓出谿子少府時力距來
皆射六百步之外注韓有谿子弩又有少府所造
二種之弩谿子弩也出柘竹弩時力弩作之得
時其材強勁距來弩力勁可距來敵

吳越春秋越王令安廣之人佩石碣之矢張盧生
之弩

楚大屈

烏號弓

見上

左傳昭七年夏四月楚享公好以大屈注弓名疏魯連

書曰大曲之弓釋文服云大曲也賈云寶金可以為劒

出大屈地 史記楚世家楚人以弋說王曰出寶弓磬

新繳以石傳弋
繳曰磬

析父曰先王熊繹桃弧棘矢以共禦王

事文王克息

獲三矢

漢大黃參連弩

李廣傳元狩二年以郎中令將四千騎出右北平

紀在二年

夏匈奴左賢王將四萬騎圍廣廣為圜陳外鄉胡急擊
矢下如雨漢矢且盡廣令持滿毋發而廣自以大黃射

其裨將殺數人注服虔曰黃肩弩也孟康曰太公陷堅

却敵以大黃參連弩也晉灼曰黃肩即黃間也大黃其

大者也師古曰服晉二說是

廣有射法三篇在兵技巧家敍傳控弦貫石威動

北辟
良臂其善射亦天性

周禮五射參連

六韜臨堅敗敵

以大黃參連弩飛鳬電景矢自副注飛鳬赤莖白羽

以鐵為首電景青莖赤羽以銅為首 吳越春秋陳

音曰夫射之道從分望敵合以參連 後漢書陳王

寵弩射以參連為奇 張衡南都賦黃間機張鏃析

毫芒 太白陰經發弩圖篇曰弩者怒也言其聲勢
威嚮如怒穿剛達堅自近及遠守險塞口破驍臨堅
非弩不克

漢連弩 蜀連弩 元戎 漢彊弩

藝文志兵技巧家有望遠連弩射法具十五篇 李陵

傳發連弩射單于注張晏曰三十箭共一臂劉氏曰今之合彈

諸葛亮傳性長于巧思損益連弩木牛流馬皆出其
意推演兵法作八陣圖咸得其要

陳壽謂亮立法施度
整理戎旅工械技巧

物究其極孔明破張郃獲
玄鎧五千角弩三千一百

魏氏春秋亮損益連弩謂

之元戎以鐵為矢長八寸一弩十矢俱發

魏馬鈞巧思絕世見亮連

弩曰巧則巧矣未盡善也言作之可今加五倍
晉李興曰推子八陣不在孫吳木牛之奇則非般模神
弩之功一何微妙

魏景初二年春司馬宣王征公孫淵六月

軍至遼東為發石連弩射城中

魏都賦燕弧盈庫而委助

唐李元

諒節度隴西築連弩臺遠烽候為守備盧耽節度西川

為大旛連弩南詔憚之六韜豹韜敵武篇太公曰選

我材士強弩伏於左右

伏兵積弩射其左右

齊孫臏夾道伏萬

弩 秦始皇自以連弩候射大魚 秦閭中夷人能作

白竹之弩 韓出勁弩 荀子魏氏武卒衣三屬之甲

操十二石之弩負矢五十个 漢兵器以弩為尚將軍

有彊弩積弩之名南郡有發弩官

地理志

功臣表室中

同以弩將從入漢 路博德為彊弩都尉 平城之圍

護軍中尉陳平請令彊弩傅兩矢外鄉 夏侯嬰徐行

弩皆持滿外鄉 晁錯謂勁弩長戟匈奴之弓弗能格

周勃材官引彊

注如今挽
強司馬

申屠嘉以材官蹶張

如淳曰
蹠

強弩張之律
有跋張士

淮南之反欲以強弩臨江而守 卜式

願與臨菑習弩者請行死之 李廣之大黃李陵之連

弩 陳湯圍郅支以鹵梢為前戰弩為後 段會宗入

烏孫選精兵三十弩 耿純選二千人持彊弩各傅二

矢遂破赤眉青犢 虞詡武都
守令軍中彊弩勿發而潛

發小弩羌并兵急攻使二十彊弩共射一人發無不中

何進發太山郡彊弩 韓馥從事將彊弩萬人屯孟

津 段熲與先零戰令張鎛利刃長矛三重挾以彊弩

列騎為左右翼袁紹擊公孫瓚以彊弩千張為前登使諸弩就發曹公征張魯多出弩以射其營楊璇為兵車張弓弩順帝永建元年十月丁亥調五營弩師郡舉五人教習戰射五營五校也炙穀子云夷年製角弩馬上用之步敵則木弩漢軍有八牛弩以射楚營矢及十里東京賦璡弩注徐廣車服志曰輕車置弩於軾上載以屬車李尤有弩銘云忘戰者危極武者傷前聖制弓後世造弩弩生於弓崔寔

政論曰兵器精利有蔡太僕之弩龍亭之劍至今擅名

天下 博古圖漢弩機銘二十七字曰延光三年閏月

書言府作六石機郭公鍛賢令磨守丞躬乘鉅史訓主
又銀錯
弩機六 蔡邕云冀州彊弩 陳王寵善弩射十發十中

彊弩數千張出軍而國人不敢叛公孫弘議禁民挾弓
弩而弩十石以上不得出關 弓弩持滿抱弩負闌見

於周亞夫韓延壽之傳班弩重旃見於東京之賦
彊弩
遊弩

南越志龍川有銅弩牙父老云越王弩營處也 會稽

典錄鍾離牧謂朱育曰吳神鋒弩射三里 吳呂蒙據
濡須塢置彊弩萬張於其上以拒曹公 吳獲晉孟幹
吳人愛蜀側竹弩幹言能作吳皓留付作部

漢路弓乘矢

郊祀志元鼎四年六月得鼎云云路弓乘矢集獲壇下
注韋昭曰路大也乘四也師古曰於壇下獲弓矢之應

詳見 賀鼎 河東賦攫天狼之咸弧 校獵賦天弧發射

逢蒙列皆羿氏控弦 韓安國傳弧弓射獵

以木曰 弓以角

曰弓

漢賜弓矢

匈奴傳甘露二年正月單于朝賜以弓一張矢四發

服虔

曰發十二矢也韋昭曰射禮三而止每射四矢故以十二為一發發猶放也

後傳建武二

十八年賜匈奴弓鞬鞬一矢四發

漢虎賁弓

楊政傳候車駕持章敕范升虎賁舉弓射之不去續

漢書朱穆為侍御史桓帝臨辟雍行禮畢公卿出虎賁

置弓階上公卿下階避弓穆過呵虎賁曰執天子器何故投於地虎賁怖即攝弓穆奏劾虎賁抵罪

漢彫弓

東京賦至於射宮決拾既佽彫弓斯張注薛綜曰謂有刻畫也

漢角端弓

續漢書鮮卑有野馬原羊角端牛以角為弓世謂之角

端弓

說文角端獸也出胡休多國篇音端前書音義角似牛角可為弓

陳琳武庫賦

弓則烏號越棘繁弱角端象彌繡質 劉劭趙都賦其器用則六弓四弩綠沈黃間堂谿魚腸丁令角端

中山王焉傳顯宗報曰今五國各官騎百人稱媞前行皆北軍胡騎便兵善射弓不空發中必決背 陳球守零陵弦大木為弓羽矛為矢引機發之遠射千餘步陸康為高成令縣在邊陲舊制令戶一人具弓弩以備不虞

漢箭 飛矛 射師

見射類

耿恭傳永平十八年

二月

北匈奴攻金蒲城恭為戊己都

尉以毒藥傅矢語匈奴曰漢家箭神其中創者必有異
虜中矢者視創皆沸大驚匈奴震怖相謂曰漢兵神真
可畏也遂解去 東觀記光武作飛蟲箭攻赤眉

方言曰三

鎗長六尺謂之飛蟲

周禮注

司弓矢

枉矢者取名變星飛行有光

今之飛矛是也或謂之兵矢絜矢象焉二者皆可結火
以射敵守城車戰正義按軒人云弧旌枉矢以象弧也
漢時名此以為飛矛

廣成頌注枉矢於天狼

寇恂傳守河內伐

淇園之竹為矢百餘萬 南蠻傳其民戶出雞羽三十
鏃 衡山王作鍛矢 膠東王作鏃矢注大鏃之
矢今兵箭

魏百官名曰三公拜日賜鶡尾鶡尾鶡箭十二

枚

魏棓矢

見上 文帝典論自敘曰建安十年始定冀州滅羣貢
良弓燕代獻名馬時和風扇物弓燥手柔獮于鄴西項
發口縱俯馬蹄而仰月支弓不虛彎所中必洞

晉神弩弓銘

輿服志中朝大駕鹵簿以神弩二十張夾道其五張神
弩置一將左右各二將又有由基一行納弩一行弩一
陣 官志二衛前驅由基彊弩為三部司馬 馬隆請
募勇士限腰引弩三十六鈞弓四鈞立標簡試 義熙
六年十二月劉裕擊盧循軍中多萬鈞神弩所至莫不
摧折 潘岳閒居賦元戎禁營谿子巨黍異蔡同機礮
石雷駭激矢蟲飛 魏韋孝寬定功弩 晉嵇含木弓

銘曰弦弧走括戢飛駭止射隼高牆出必有擬既以
禦侮亦以招王 李尤良弓銘 江統弧矢銘幽都
筋角會稽竹矢易以獲隼詩以殪兕伐叛柔服用威
不韙

後魏武庫大弓 梁弓

後魏書奚康生彎弓十石梁聞康生能引彊弓特作大
弓兩張長八尺把中圍尺一寸箭麌殆如今之長笛送
康生康生平射猶有餘力即表送置之武庫 梁杜嶷

佩四石霜明朱弓 羊侃馬上用六石弓 昭明太子

弓矢讚

唐天策府大弓長矢 武庫大弓

劉黑闥傳初秦王建天策府其弧矢制倍於常逐黑闥
也為突厥所窘自以大箭射郤之突厥得箭傳觀以為
神後餘大弓一長矢五藏之武庫世世寶之每郊丘重

禮必陳于儀物之首以識武功

舊史云討黑闥于肥鄉有一突厥勇壯絕人直

衛太宗力將接太宗以天策上將大箭射之中心洞背應弦而斃遂傳此箭于北番突厥見而驚嘆 高祖紀

云武德五年三月丁未秦王及黑闥戰洛水敗之亡入于突厥太宗紀云五年敗黑闥于洛州丙申復取相州

二紀不同
太宗紀武德四年五月壬戌執竇建德戊辰降

王世充六月凱旋七月甲子至長安被金甲陳鐵騎萬
介士三萬前後鼓吹獻俘于太廟高祖以謂功高古官
號不足以稱十月己丑乃加號天策上將領司徒陝東
道大行臺尚書令位在王公上賜袞冕金輅雙璧黃金
六十斤前後鼓吹九部之樂班劍四十人儀衛志太宗
平東都破金

剛執賀魯克高麗皆備軍容
凱歌入京師其禮儀不傳

武德二年十一月秦王

屯柏壁以大羽箭殪賊將

杜甫丹青引猛將腰間大羽箭

貞觀元年

閏三月壬申上謂蕭瑀曰朕少好弓矢得良弓十數近以示弓工曰木心不直則脉理皆邪弓雖勁而發矢不直太宗詠弓詩上弦明月半激箭流星遠落雁帶書

驚啼猿映枝轉楊師道和云霜重麟膠勁風高月影圓

唐四弓 七弩

六典武庫令弓之制有四長弓角弓梢弓格弓弩之制有七擘張弩角弓弩木單弩大木單弩竹竿弩大竹竿

弩伏遠弩箭之制有四竹箭木箭兵箭弩箭注漢有連
弩射法周禮八矢

唐御弓

見射類 官志備身左右掌執御弓矢 禮志千牛備
身二人奉御弓及矢立於東階上西面千牛將軍奉弓
即將奉矢

唐漆弓

王忠嗣傳為將持重安邊常曰平世為將撫衆而已有

漆弓百五十斤每弢之示無所用士氣盛思戰時出奇
兵襲敵所向無不克軍每出召屬長付以兵使授士卒
弓矢亦誌姓名軍還遺弦亡鏃按名第罪時為河東
節度使

唐憲弩

儀衛志親王鹵簿憲弩一品二品四品萬年令
皆有之 宋志漢京兆尹司隸前驅持弓以射窺
者今制每弩加箭一有鞬畫雲氣弓箭每弓加箭
二有鞬同憲弩 杜甫詩貞觀同牙弩開元錦

獸張

唐伏遠弩

兵志開元十二年更長從宿衛名彊騎十二年彊騎分

隸十二衛總十二萬為六番內弩手六千

官志諸衛有
弩手左右號

衛各八十五人餘衛各八十人
隋御營弩手三萬人

又擇勇者為番頭頗習弩

射又有羽林軍飛騎亦習弩凡伏遠弩自能施張縱矢

三百步擘張弩二百三十步皆四發而二中角弓弩二

百步四發而三中單弓弩一百六十步四發而二中皆

為及第諸軍近營為堋士有便習者教試之及第者有
賞 六典武庫令弩之制有七一擘張弩二角弓弩三
木單弩四大木單弩五竹竿弩六大竹竿弩七伏遠弩
注蔡邕曰冀州強弩幽州突騎天下之精也漢書有遠
望連弩射法十五篇陳愍王寵見敬王
美傳 諸葛亮連弩擘
張小弩步兵所用角弓弩騎兵所用木單竹竿伏遠等
其力益大所及漸遠四弩名物周典是掌材官蹶張漢
制具備廣之大黃亮之連弩整軍
經武烏
可缺此 武經總要弩者中國之勁兵四夷所畏服也

古者有黃連百竹八擔雙弓之號絞車擘張馬弩之差
今有參弓合蟬手射小黃皆其遺法若乃射堅及遠爭
險守隘怒聲勁勢遏衝制突者非弩不克

唐靜塞弩

張雲咸通解圍錄南蠻有執旗者傳城發靜塞弩貫之
西蜀弩名尤多大者莫逾連弩十矢謂之羣鴉一矢
謂之飛槍通呼為摧山弩即孔明所謂元戎也又有八
牛威邊定戎靜塞弩崔安潛乞洪州弩手教蜀人用

弩選千人號神機營 高崇文討蜀未下李吉甫言宣
洪斬鄂強弩號天下精兵 韓滉運米饋李晟船置十
弩相警捍又於宣州教習長兵鑄軍器 王栖曜為浙
西將以強弩三千涉水夜入寧陵希烈不知晨朝矢集
帳前驚曰江淮弩士至矣遂不敢東 杜牧注孫子云
五兵之利無如弧矢之利以威天下五兵同致天
獨有弧矢星聖人獨言弧矢能威天下不言他兵
何也蓋戰法利於弧矢者非得陣不見其利故黃

帝險於蚩尤以中夏車徒制夷虜騎士此乃弧矢之利也

太平興國連弩

見講武類 四年九月己亥幸新城西南隅觀新募鐵林卒習射強弩

至道賜弓

至道元年三月己巳上御崇政殿召殿前指揮使御龍官數百輩射於殿前詔銀州牙校張浦觀焉先是趙保

吉遣其弟延信入貢上賜二弓皆力及一石六斗
已上但威示戎虜而已非有人能挽至是衛士皆
引滿平射有餘力上問浦戎人敢敵否浦奏曰蕃
部弓弱矢短豈敢拒敵十一月己未閱武於便殿
衛士挽弓有一石五斗者矢二十發綽有餘力

太平興國二年九月乙未幸造弓箭院賜工役人錢帛

李覺倣韓愈毛穎傳作竹穎傳以獻竹穎者失也

太宗嘉

之

咸平賜弓

咸平二年十二月戊午次澶州權駐蹕幸甲仗庫壬戌
賜輔臣甲胄弓劍

咸平木羽弩箭 火箭

咸平元年六月丁酉馬軍都頭石歸宋進木羽弩箭以
木為幹為翎長尺餘所激甚遠入鎧甲則簓去而鏃留
牢不可拔蕃戎畏之願多造以給邊用上命衛士試之
五年九月戊午石普言能發火球火箭上召至崇政殿

試之輔臣同觀先是開寶二年三月馮繼昇岳義方上
火箭法試之錫束帛天禧三年五月京西漕臧奎請
改制木弩風雨箭國語吳有白羽朱羽烏羽之矰
上林賦滿白羽注文穎曰以白羽為箭北齊郎基削
木為箭剪紙為羽

景德漆弩

景德元年六月給步軍虎翼兵隨身黑漆寸札弩常令

調習

舊止給殿前虎翼

景德連弩

元年十一月甲戌幸澶州王師成列李繼隆等伏勁弩分據要害周文質部下以連弩射殺達蘭戎人遁二年正月甲戌以文質為殿頭高品

康定鏃弓

康定元年范恪試武技為慶州北路巡檢恪有弓勝一石七斗其箭鏃如鏃名曰鏃弓又於箭羽間識其官稱姓氏臨敵所發必中至一箭貫二人虜畏之實錄 慶歷

四年韓琦上言臣至邊嘗定弓弩挽強蹠硬射親格願
下諸軍立賞肄習春秋各一閱詔頒教諸軍是年賜鄜
延總管風羽子弩箭三十萬 二年楊偕請教騎兵止
射九斗至七斗三等弓畫的為五暈去的二十步引滿
即發中者視暈數給錢為賞 五年范仲淹請以帶甲
射一石充奇兵餘自九斗至一斗第為三等力及等即
升之詔著為法

皇祐御弓

皇祐六年

即至和元年時未改元

二月己巳王德用為樞密使

是歲契丹使者來德用與之射曰天子以公典樞密而用

富公為相得人矣語聞上喜賜御弓一矢五十

皇祐衝陣無敵流星弩

又見車戰

皇祐元年三月丁酉知忻州郭諮獻獨轍衝陣無敵流

星弩

諮有巧思為兵械簡要可用

四月知澧州宋守信獻衝陣無敵

流星弩拒馬牌火鎌石火鋼三刃山字鐵甲漆槍野戰
拒馬刀弩寨腳車衝敵劍輪無敵車大風翎弩箭凡八

種甲子御崇政殿閱之

州校李錫持獻
命為三班差使

四年三月丙寅

河北河東陝西言郭諮所進獨轄衝陣無敵流星弩可備軍陣用詔弓弩院製之尋以諮為鄜延鈴轄給所製弩五百募土兵教之既成經畧使夏安期言其便詔置獨轄弩軍 熙寧七年二月十二日戎監請勿造獨轄衝陣弩以神臂弓代之

熙寧神臂弓

熙寧元年十二月庚申

二十
二日

大內副都知張若水進所

造神臂弓初民李宏獻此弓其實弩也以槧為身檀為
銷鐵蹬鎗頭銅為馬面牙發麻索札絲為弦弩身通長
三尺二寸兩弭各長九寸二分兩閃各長一尺一寸七
分弛長四寸通長四尺五寸八分弦長二尺五寸箭木
羽長數寸時於玉津園校驗射二百四十餘步穿榆木
沒半幹有司并箭奏御詔依式製造至是進焉御延和
殿臨閣置鐵甲七十步俾衛士射未有中者若水自請
引弓連中七年九月二十一日軍器監與三衙定造狼

牙箭鴨觜箭請依式製之八年二月癸酉詔私有及私
造神臂弓者如私造弩法十一月十六日軍器監再造
神臂弓鷗尾牙發及箏柱弩牙發等式元豐六年八
月十五日以神臂弓千箭十萬給環慶元符二年二月
八日王峴請增造歲約增一千七十五張大觀元年十
二月十六日吳擇仁奏神臂弓實天授神考以甚利之
器所向摧圮夷狄莫能當二年三月十四日御筆謂射
遠攻堅所向無前可謂利器使敵人習而能之非中國

利令民間不得習製出師教射鍼於匣貯之別庫 神
臂弓銘云呂嚴羽衛蘭錡設張佽飛共服洞札穿楊呂
肅戎容材官效技電激星流敵膽摧褫大黃誇漢伏遠
耀唐豈若茲弓制作之良

熙寧弓式 軍器制度

熙寧元年十二月二十二日以內臣張若水閣門使李
評提舉編擇增修弓弩若水造神臂弓六年六月二十
七日己亥初置軍器監以三司胄案為監命呂惠卿曾

孝寬判之制度皆著為式凡一百十卷雜材一軍器七
十四件物二十一雜物四添修及製造弓弩式十卷七
月甲寅置內弓箭南庫儲御前所製七年正月十二日
庚戌惠卿等上裁定中外所獻槍刀樣又上編成弓式
初京師及諸路戎器雜惡河朔尤甚至是所製兵械皆
精利其後詔以新造軍器付諸路為式遣官分諭之

一云

六年十一月遣著作佐
伯虎等付諸州為式

元豐四年七月二十一日涇

原經畧言按武經總要有三弓八牛床子弩射及二百

餘步用一槍三劍箭最為利器攻守皆可用戎監言弩
重千餘斤難致乃圖其樣頒之舊止有大小合蟬床子
弩六年八月二十一日參定城隍守具制度十二月命
編修軍器什物法制蔡碩為軍器少監

元豐賜烏哨弓

元豐六年九月丁巳十五日上批付劉昌祚所進器械具
悉今賜卿金線烏哨弓一神臂弓二七年三月庚戌手
詔又賜昌祚金線烏哨弓

元豐床子弓 挿消弓

六年七月辛卯

十九日

工部郎中范子奇言軍器監創床

子大弓二強於神臂弓獨轍弩較之九牛弩尤輕便用
人少射遠而深可禦敵詔比試以聞

舊床子弩射止七百步魏丕增造至

二年四月十九日上聞尹抃能為弓能辨六材命

乘驛赴闕五年八月抃造挿消弓

熙寧八年十二月二十三日命湖南北制木弓弩七千
給廣右七年五月二十七日詔造入陣弓箭依上中下

軍分三等上等弓四尺八寸五分箭二尺八寸五分中
下弓第減一寸五分箭第減一寸

宋朝制勝強遠弓

和詒徽宗時知雄州上制勝強遠弓式施行之弓能破
堅於三百步外邊人號為鳳凰弓

紹興克敵弓 破胡弓

先是紹興三年十月上謂輔臣曰造弓必用良工今御
前所造弓其直八千可以為式宜令軍器所及張俊軍

中分造十一年六月乙亥詔有司造克敵弓弓乃韓世忠所獻也五月獻之上謂輔臣曰世忠宣撫淮東日與虜戰常以此弓勝金人朕取觀之誠工巧然猶未盡善朕籌

累日乃少更之遂增二石之力而減數斤之重今方盡

善後有作者無以加矣乃命殿前司閱習七月丁巳詔

能貫甲踰三石弓施三十矢者進秩一等三石五斗者

倍之十九年正月己酉宰執言春教踏射克敵弓乞依

格推賞上曰山弓最為強勁雖被重甲亦須洞徹若得

萬人習熟何可當也

一本十九年正月己酉詔教閱克敵弓

楊存中以克

敵弓雖勁而士病蹶張之難乃增損舊制造馬黃弩制

度精密彼一矢未竟而此三發矣二十六年閏十月十

八日詔克敵弓射遠徹札非弩可比降様令建康都統

王權軍製造以習射克敵弓斗力雄勁可洞犀象貫七

札十一月五日內軍器庫降克敵弓一千箭十萬付權

軍韓世忠之制兵器凡今跳澗以習騎洞貫以習射

狻猊之鑿連鎖之甲斧之有掠陣弓之有克敵皆世忠

之遺法

漢之大黃莫喻其強
魯之僕姑莫侔其良

劉錡傳紹興十年五月

虜兵逼順昌城以破胡弓射之翼以神臂弓強弩射之

虜稍稍引去 十五年三月二十一日甲子上曰頃在

京師見內庫所藏弓箭皆太宗真宗所製經歷百年記

識如新蓋造作精善也 建炎二年三月丁酉初立大

小使臣試弓馬出官格凡五等 三年三月張浚請於

沿江置強弩營

紹興賜北使弓矢

十三年十二月癸卯有司進呈賜北使弓矢上以其不
精工命出內庫所造者賜之翼日諭大臣曰此朕自指
教雖軍中人亦未必能之賜予使人不惟觀美兼器械
之良亦使遠人畏服

隆興木羽弩箭 乾道木鶴弩

隆興元年六月十四日御寶封木羽弩箭百四隻下樞
密院江浙荆閩諸路製百萬 乾道九年閏正月二日
衢州張子顏造木鶴弩二千箭十萬 紹興十年六月

丁卯上曰昨造大鎗箭用以破敵始服其精又造銳首小槍劉錡順昌破敵用之

淳熙神勁弓 神勁軍見兵制

先是紹興五年五月八日督府言軍器所造神勁弓六千箭百萬 淳熙三年九月十八日庚申詔以神勁弓樣一箭樣十令依樣造充弩用手令先造神勁弓七十降付浙西守臣令依樣隨斗力高下製造付軍士踏拽 乾道中創木羽弩箭不用羽

乾道鐵簾附 淳熙鐵簾

古射侯之法 乾道七年九月

見射類及講武類
淳熙十三年春製

頒于天營施之校射
命官視閱以中其賞 聖政淳熙十三年二月乙卯步

軍都虞侯梁師雄奏射鐵簾合格官兵人數上曰聞射
鐵簾諸軍鼓躍奮勵誠是作成士氣周必大等奏以此
法激勸人人皆勝兵矣上曰然

弓有緣者謂之弭以金者謂之銛以蜃者謂之班以玉
者謂之珪 弓末曰簫簫梢也又謂之弭中央曰跗簫

弣之間曰淵 弩畫弓也 弩角弓弧木弓彊弓曲綈便
利獲急張彌彊貌汗滿有所嚮也 弩柄曰臂鉤弦者
曰牙牙外曰郭下曰懸刀合名之曰機 矢謂之箭又
謂之鏑 關西曰箭江淮謂之鏃 六材七幹之妙參
鈞九和之美繡質良材烏號徑理晉平七札顏高六鈞
麟膠棘竹燕角楚筋吳叔賦 向越之幹會稽之美寶東
房之垂竹藏陳庭之楷矢夏服忘歸三鑠八法舍之如
束之其搜魯莊僕姑鴻超暴衛飛鳬電影毒鐵焦銅前賦

飲石梁

宋景公為弓公張弓東面而射矢踰西霜之山集彭城之東其餘力遠勁猶飲羽於石梁

定天山

薛仁貴破鐵勒軍中歌曰將軍三箭定天山

手提威弧雄入九軍

貴胄絕韻挽不能寸

控弦鳴鏑日規為小奔星激

電氣侵一掃

左落撓槍右射天狼聲如摧山萬衆莫

當漢箭有神震疊葷粥

勁孰似之大屈在楚寶孰

並之繁弱鎮魯

析幹液角漆測絲沉筋膠參均冠古

窮今

材官蹶張佽飛省括力勁執倍六均難埒

天

弧煌煌九星炳著

決拾既佽射必中鵠巧穿七札

力倍六鈞繁弱武庫有掩前聞弦鳴雁落虎發石裂
星九為弧乾度炳輝憲天惟聖觀象取睽禹師既班
繁弱莫名周矢橐乃立弓人月滿星流中石飲
羽赤羽蜻蚨之箭綠沈白象之弭圜穹宣精弧星
曜武河圖畫卦剝矢取睽董蒲白羽之箭燕角綠沉
之弓養叔之復一顏高之持六鈞左烏號右青
莖鱗膠鷺羽箭起六麋鋒摧九虎麋興麗箭雁
落驚弦舉長矢兮射天狼象弧彤服金弧鳴鏑

弓翻滿月



庚子年夏
王海

壬

卷一百五十

卷一百五十

玉海卷一百五十